

DISPUTATIO  
DE DEFENSIONE  
NECESSARIA:

EX SCHOLIS CLARISSIMI  
VIRI, DOM. GEORGII OBRECHTI  
ARGENTINENSIS REIPUB. ADVOCATI,  
ET ACADEMIÆ ANTECESSORIS  
CELEBERRIMI, EX  
CERTA:

ET SUB EJUSDEM PRÆSIDI  
PUBLICI EXERCITII CAUSA  
PROPOSITA

à

CAROLO JÖRGER LIBERO BARONE  
IN KREUSPACH, AUSTRIÆ SUPERIORIS  
PRAEFECTO HEREDITARIO &c.



ARGENTORATI

*Typis Johis Rihelii, per Andream Rieschium.*

ANNO CHRISTI M. DC. IIII



AUSPICE DEO  
OPT. MAX.

DE DEFENSIONE NECES-  
SARIA.

THESIS. I.

**D**EFENSIONIS materia, quotidiana, utilis & neces-  
saria est.

II. Nam singulis penè diebus, de ea in nostris  
judiciis agi solet.

III. Et hac cognitâ non solùm intelligitur, quò usque vis  
illata repelli, sed etiam quomodo se Defensor ab homicidii pœ-  
na liberare possit.

IV. Imò sine hujus cognitione, nec Judex, nec Litigatores,  
quid sibi in gravissimis defensionis quæstionibus statuendum,  
quidve faciendum sit, scire possunt.

V. Cum autem interpretum juris & Pragmaticorum, de  
hac juris parte non eadem sit sententia : Sed plerique in præ-  
cipuis quæstionibus è diametro inter se pugnent : quorum dif-  
fensiones eò sunt intolerabiliore, quòd hîc non de bonis cadu-  
cis, sed plerumque de vita hominis agatur.

VI. Idcirco operæ precium esse duximus, præcipuas hujus  
materiæ quæstiones ad disputandum proponere : ut ita veritas  
eò melius inquiri, & inventa ad usû accommodari possit : Deus  
OPT. MAX. suâ nobis adsit gratiâ.

*De definitione, & divisione Defensionis.*

VII. Et quidem defensio nihil aliud esse vide-  
tur quàm instantis, vel jam illatæ vis propulsatio.

VIII. Distingui respectu objecti potest in personalem  
& realem.

IX. Personalem appellamus, quando qd à se, vel ab aliis,

A 2

vim instantem, vel jam illatam propulſat.

X. At *realem* vocamus, quando quis à reb<sup>9</sup> ſuis vim repellit: quando quis, inquam, res & bona ſua contrà vim defendit.

*Quo jure deſenſio introducta ſit.*

XI. Deſenſionis cauſa efficiens alia remota, alia p<sup>ro</sup>p<sup>ri</sup>na eſt.

XII. Remota eſt juſgentium. Nam *in l. 1. in ſi. D. de ju. & ju.* definitur juſgentium: & poſtea in quatuor ſequentibus legibus, hujus juris exempla enumerantur.

XIII. At *Conanus* deſenſionē non juſgentium, ſed juri naturali aſcribit: quia omnium beſtiarum ſenſibus infixum eſt, ut vim vi repellant, & probè in ſuo genere degant.

XIII. Nos dicimus omni jure vim vi repelli poſſe. Nam naturali jure repelli poteſt: quia vitæ corporis ſimplex deſenſio, omnibus animantibus tributa, naturalis eſt. Ex naturali enim inclinatione oritur, quæ homini cum reliquis animantibus communis eſt.

XV. Sic etiam jure gentium repelli poteſt: quia illa deſenſio quæ ratione nititur, & qua ſocietas humana conſervatur, juris gentium eſt. Hæc enim ſolis hominibus, non etiam brutis animantibus nota eſt.

XVI. At jure civili & Canonico vis vi repelli poteſt: quia hoc utroque jure j<sup>us</sup> naturale & gentium eſt confirmatum, & moderatio inculpatæ tutelæ melius eſt explicata *l. 1. C. Unde vi, l. ſcientiam 45. §. quicum aliter D. Ad L. Aquil. c. 2. c. 3. & c. ſignificaffi 18. C. de homicid.*

XVII. Nec aſtipulamur *Decio*, affirmanti deſenſionem iccirco juſgentium eſſe, quod hoc jure liceat vim cum injuria conjunctam repellere: quia vis injurioſa, ab alia vi, hoc jure non diſtinguitur.

XVIII. Non etiam illis aſſentimur, qui deſenſionem iccirco juri civili aſſignant, quia moderatio inculpatæ tutelæ hujus juris eſt *d. l. 1.* Nos enim hanc moderationem non juri civili, ſed juſgentium tribuendam putamus.

*Quibus*

*Quibus instrumentis & à quibus personis defensio fieri possit.*

XIX. Satis de causa remota defensionis. At propinqua causa, vel est agens, vel est instrumentum agendi.

XX. Agens defensionis causa est homo: quia hic vim re ipsâ propulsit.

XXI. Nec refert cujus hic sit ætatis, conditionis, aut sexus: quia indistinctè Quilibet contrà vim se rectè defendit.

XXII. Et propterea infans, puer, adolescens, vir, senex, mulier, Studiosus, Doctor, Apostolus, Presbyter, Monachus & alii quicunq; vim iniunentem, vel jam illatam justè propulsant.

XXIII. Potest autem ad agentem defensionis causam, etiam Mediator referri: quatenus alios defendere nititur.

XXIV. Hic si veri Mediatoris partibus fungitur, etsi alterum lædat, non tamè actione injuriarum conveniri potest: quia abest injurandi animus *no. Angel. Bald. & Felin. in l. 1. §. si sibi manus, & §. occisorum D. AISC. Syllin.*

XXV. Quod si Mediator se inter Defensorem, & aggressorem interponat, & Defensoris gladium, vel manum arripiat, atque teneat, nè se contrà Defensorem tueri queat, si à Defensore percutiatur, vel occidatur, refert; an

XXVI. Defensor in certo vitæ periculo fuerit constitutus, an non fuerit constitutus.

XXVII. Priori casu Defensor nec de percussione, nec de occisione tenetur: quia quod fecit, sui defendendi causâ fecit. Nisi enim se Mediatori opposuisset, vel ab aggressore graviter lædi, vel planè occidi potuisset.

XXVIII. At posteriori casu, aut de percussione, aut de occisione Defensor tenetur: quia nullâ impellente necessitate, Mediatorem percussit, vel interfecit: Et hæc de causa agente.

XXIX. Instrumentalis defensionis causa est, si quis ad sui defensionem gladium, vel pugionem, vel hastam, vel pugnos

adhibet : quia defensio non immediatè, sed mediatè, instructo aliquo fieri solet.

XXX. Nec refert quibus armis se quis defendat : quia quæcunque arma necessitas suppeditat, iis rectè uti licet. Ad hunc enim usum arma inventa sunt, ut vim & injuriam arceant.

*De iis contra quos se quis defendere possit.*

XXXI. Quoniam Defensor respectu offensentis dicitur : illo jam cognito, meritò & hic cognosci debet.

XXXII. Et quidem Dominicus à Soto *lib. 5. de ius. & ju. q. 2. art. 3.* existimat, si aggressor sit Rex, vel Dux, vel alia persona Reipub. valde necessaria : at in vasus sit homo vilis, cujus vita utilitati publicæ parum prodest : quod in vasus ex charitate potius mortem perferre, quàm eam alteri inferre debeat.

XXXIII. At sicut nihil refert quis ille sit, qui vim depellit : ita quoque nihil referre dicimus, quis ille sit, qui vim facit : quia omnia jura vim vi repellere simpliciter permittunt : nec distinguunt : ut meritò nec nos distinguere oporteat.

XXXIV. Nam in *L. 3. D. de ius. & ju. in l. scientiam 41 § qui cum aliter D. Ad L. Aquil. & in L. 1. C. Unde vi*, simpliciter & indistinctè affirmatur, Licere cuique vim atque injuriam propulsare : vel vim vi repellere.

XXXV. Ex his verbis duo colliguntur : Primum est : Quilibet contra quemcunque, vim atq; injuriam inferentem se defendere potest. Ubi enim est vis atque injuria, ibi propulsationi locus est.

XXXVI. Alterum est : Non potest quis contrà illos se defendere, qui vim atq; injuriā non inferunt : quia ut defensor locum habeat, vim atq; injuriam præcedere oportet.

XXXVII. Et propterea ubi non adest violenta, vel injuriosa offensio : non quoque locum habere potest defensio : vel, ut nostri interpretes loquuntur, ubi offensio est licita, ibi defensio est illicita.

Hujus

XXXVIII. Hujus generis sunt offensiones, quæ à Parentibus, Præceptoribus, Dominis, Magistratibus, Magistratum ministris, & maritis fiunt.

XXXIX. Et quidem liberi non possunt resistere parentibus, qui eos gravius objurgant, pulsant, atque verberant: quia hoc modo parentes liberis nullam vim, nullamque injuriam faciunt: sed suo jure utuntur *l. 3. C. de patr. potest.*

XL. Est tamen paternæ castigationis potestas non immodica, sed moderata, & quasi certis cancellis inclusa *l. in suis 11. D. de lib. & post. d. l. 3. & l. ul. C. de patr. potest. & l. un. C. de emendat. propinq.*

XLI. Nihilominus, si parentes cancellos sibi præscriptos excedant, non licet liberis per vim parentibus resistere: etsi communis Interpretum schola aliud statuat.

XLII. Nos enim, vix ullum casum esse credimus, quo liberis adversus parentes concedi queat, ut illis resistere, & vim vi repellere possint.

XLIII. Sic discipuli non possunt resistere præceptoribus castigantibus: quia cum castigatio præceptoribus concessa sit *l. sed etsi 1. §. ult. D. Ad. L. Aquil.* hoc jure si utuntur, nullam vim, nullamque injuriam faciunt.

XLIV. Refert tamē, an Præceptores in disciplina modum servant, an verò excedant.

XLV. Priore casu jam dicta sententia vera est: non etiam posteriore. Si enim præceptor in disciplina vulnerat, vel occidit discipulum, tenetur Lege Aquiliâ, vel Lege Corneliâ de fideiatis *d. l. sed etsi §. ult.*

XLVI. Servi quoque Dominis suis torrificantibus resistere nequeunt: quia Domini servos jure corrigere possunt *l. Prætor §. 5. prætera vers. nec enim, cum §. seq. D. de injur.*

XLVII. Magna autem inter antiqui juris servos, & nostri sæculi famulos atque ministros, est differentia.

XLVIII. Nam in veteres servos Domini olim vitæ necisque potestatem habuerunt: & quamvis hæc postea ad moderationem reducta sit: perpetuum tamen servitutis jugum mansit.

XLIX. At nostri famuli & ministri, liberi & sui juris sunt:  
nec

nec sunt in potestate Dominorum: sed his pro certa mercede ministrant.

L. Itaq; quæ de veteribus servis in jure reperiuntur, ad nostri ævi servos atq; ministros simpliciter accommodari non possunt.

LI. Præterea subditi non possunt resistere Magistratui suo: quia cum Magistratum suum colere eiq; obedire teneantur: eò quod illis sit loco patris: eo ipso illi, officii sui partes exequenti, resistere prohibentur.

LII. Non enim vim atq; injuriam infert, quando munere suo fungitur *l. 3. §. 1. D. Quod met. cau. & l. quemad. 29. §. Magistratus vers. si quid D. Ad L. Aquil.*

LIII. Non etiam Sontes, qui ab Apparitoribus ad pœnam, aut ad carceres ducuntur, his resistere possunt: quia ut juris executio non habet injuriam *l. injuriarum 13. §. 1. D. de injur.* ita nec vim continet *d. l. 3. §. 1. D. Quod met. cau.*

LIV. Quod si tamen Apparitores officio suo non rectè funguntur: sed datà opetâ & dolo malo alios percutiunt, vel vulnerant, vel interficiunt: ut sæpe ab hoc hominum genere ex tribu levi, fieri solet: certè ejusmodi facta, prætextu officij non excusanda, sed, cum Boerio & Grammatico, gravissimè vindicanda dicimus.

LV. Unde illorum opinionem rejicimus, qui Vigilibus, Lictoribus & Apparitoribus licere volunt, ut fugientem malefactorem impune vulnerare, aut interficere possint: quia fugiens non resistit: sed tantùm fugâ sibi consulit *Fachin. lib. 9. cap. 74.*

LVI. Planè nec uxores resistere debent maritis corrigentibus.

LVII. Verum quidem est maritos uxores suas durius & atrocius corrigere non posse: quia *l. consensu 8. §. si qua igitur C. de repud. expressè constitutum legimus.* Si uxor probaverit se à marito verberibus, quæ ingenuis aliena sunt, affectam, quod ei repudium mittere possit.

LVIII. Et si



**LVIII.** Et si enim hæc Lex per nov. 17. c. 14. quò ad repudium mutata sit: immutata tamen in eo permansit, quo maritis uxores suas verberibus afficere, vel durius tractare fuit prohibitum.

**LIX.** At levis, seu moderata correctio atque castigatio, quam justa causa præcedit, maritis non est interdicta, ut affirmant Alexand. Panormitan. & Menochius.

**LX.** Ex quo si maritus uxorem, ex justa causa, leviter castiget: & eam non verberet, sed tantum pulset: uxor verò ei resistat: certè hoc ipso maritus justè, at uxor injustè agit.

**LXI.** Et si verò ex jam dictis constet: Non licere nobis contrà illos nos defendere, qui vim atque injuriam non faciunt: non tamen iccirco inferendum, nos non posse contrà bruta animantia, in nos imperum facientia, item contra furiosos, contra mente captos & dormientes noctambulos qui nos invadunt, nos defendere.

**LXII.** In defensione enim non requiritur vis faciendi, & injuriandi propositum: Sed sufficit, ut vis inferatur: sive id ex proposito fiat, sive non fiat ex proposito: quia ubicunque violenta & injuriosa adest offensio, ibi defensioni locus est.

**LXIII.** Ex quo multò magis contrà ebrîum & temulentum, quite per vim invadit, defensionem tibi concessam dicimus: aded ut vim vi repellere, & servato inculpatæ tutelæ modamine, illum interficere possis.

**LXIV.** Et de hoc egregia facti species reperitur apud Demosthen. in orat. contrà Midiam. Nam Bærotus ebrius, Evzonem, fratrem Leodamantis, cum ad coenam invitasset, vulneravit: qua injuriâ Evzo motus, Bærotum interfecit.

**LXV.** Qua de causa Evzo à judicibus fuit condemnatus. Et si enim Judices non fuerint unanimes: vicit tamen sententia condemnatoria, & quidem uno duntaxat calculo: sed nihilominus vicit.

**LXVI.** Nos autem disputando ostendere conabimur, Evzonem injustè condemnatum fuisse.

*De personis circa quas defensio  
versatur.*

LXVII. Cognitis iis qui se defendere possint, & contra quos defensio permessa sit, rectè jam discimus, circa quæ defensio versetur. Ex hoc enim objectum defensionis cognosci poterit.

LXVIII. Hoc autem sunt personæ, & res: quia circa utraque defensio occupatur. Tam enim personæ, quam res defenduntur.

LXIX. Personæ vel sunt propriæ, vel necessariæ, vel extraneæ.

LXX. Propriæ personæ citrà dubium rectè defenduntur: quia de his præcipuè jura loquuntur *l. 3. D. de juf. & ju. l. itaq. 4. D. Ad L. Aquil. & l. 3. C. Ad L. Cornel. de Sicar.*

LXXI. At necessariæ personæ sunt parentes, filii, conjuges, affines & consanguinei: quia in has, præter cæteras, necessaria officia conferuntur, ut Ælius Gallus ait.

LXXII. Has personas vulgò necessariò defendendas esse arbitrantur: adeò ut homicidium, ob harum defensionem commissum, puniri nequeat.

LXXIII. At nobis hæc opinio scrupulo carere non videtur: quia passim in jure ob sui tantum corporis defensionem exdes impunè permittitur *d. l. 3. D. de juf. & ju. d. l. itaque D. Ad L. Aquil. & d. l. 3. C. Ad L. Corn. de sicar.*

LXXIV. Nec immerito: quia aliàs multis homicidiis perpetrandis ansa daretur.

LXXV. Nihilominus si pater filii sui aggressorem, vel filius aggressorem patris, vel conjunx aggressorem conjugis, vel consanguineus aggressorem consanguinei, defensionis studio interfecerit: non ideo pœnâ homicidii ordinariâ, sed extraordinariâ occisor nob. plectendus videtur.

LXXVI. Quod si verò in his necessariis personis eò res pervenit.

pervenit: ut, dum Pater filium, vel filius patrem, vel conjunx conjugem, vel consanguineus consanguineum, contra aggressorem defendere nititur, & aggressor, dimisso patre, vel filio, vel alio, in defensionem irruat: tum omninò Defensor vim vi repellere, & sui defendendi causâ alterum occidere potest: quia jam non amplius de aliena, sed propria salute agitur.

LXXVII. Sicut autem DD. communiter ob necessariarum personarum defensionem, impunè eadem permittunt: ita etiam Bartholus & communiter alii volunt, nos etiam **extraneos** defendere, & ea de causa illorum iavales occidere posse.

LXXVIII. Hanc opinionem Bartholus & alii, multis rationibus & argumentis probare nituntur.

LXXIX. At nos idem in extraneis, quod in necessariis personis asserimus: nempe ob extraneorum defensionem impunè non esse eadem permissam: quia Bartholi & aliorum opinio nullo jure probatur: & quia jure tantum ob proprii corporis defensionem, cædes impunè fieri potest.

LXXX. Unde glossa non ausa fuit l. 3. D. de just. & ju. etiam ad extraneos extendere.

LXXXI. Hoc quidem verum est, si quis aliquem in periculo constitutum videt, æquum esse & juri consentaneum, ut periclitantem proximum, si absque vitæ suæ jactura potest, adjuvet: quia hoc dilectio proximi, & cognatio, quæ est inter homines, requirere videntur.

LXXXII. At non idem est, si quis sine vitæ suæ detrimento periclitantem non potest tueri. Tum enim ei succurrere non tenetur *s. ex parte 47. de appellation.* quia propria charitas incipit à se ipso: & nemo se in præsens periculum conicere cogitur *l. si pater 34. §. 1. D. de donation. l. metu 9. §. sed licet D. Quod met. caus. &* quia id tantum alteri quis præstare cogitur, quod sibi non nocet *l. 2. §. item vers. quanquam D. de aq. & aq. plu. arc. & l. 2. in pr. D. solut. matrim.*

LXXXIII. Et hoc est quod Seneca dicit: Dabo e-  
genti, sed ut ipse non egeam: Succurram peritu-  
ro, sed ut ipse non peream.

LXXXIV. Nihilominus si fortè is qui periclitanti opem  
fert ejus aggressorem interimat, non quidem impunè feret,  
quia hæc cades non reperitur jure probata: attamen non poenâ  
ordinariâ L. Cornelix, sed extraordinariâ est afficiendus: quia  
utique non dolo malo, & animo occidendi, sed potius defen-  
sionis studio alterum interfecit.

LXXXV. Et sanè inter defensionem propriam, & de-  
fensionem aliorum non levis est differentia.

LXXXVI. Nam qui se ipsum defendit, suum adversari-  
um sibi habet oppositum, & solus aggressori, vel percussori suo  
resistere cogitur.

LXXXVII. At qui alium defendit, nullum sibi opposi-  
tum habet adversarium: sed ipse alii oppresso opem ferre, & e-  
jus adversarium repellere atque remove conatur.

LXXXVIII. Ex quo opitulator facillè efficere potest, nè  
alter vel gravius vulneretur, vel occidatur: dum vel aggressoris  
ictus avertit, vel ut recedat impellit.

LXXXIX. Quod si verò aggressor etiam Opitulatorem  
vi aggreditur: tum ei quoque vim vi repellere licet: quia jam  
non amplius de aliena, sed propria salute ac defensione agi-  
tur.

XC. Non tamen negamus ubique ferè receptum esse, ut  
tam ob necessariarum, quàm extranearum personarum defen-  
sionem, impunè homicidium fieri possit: quam benè & justè, ex  
antedictis aliquo modo constat.

### *De rerum defensione.*

XCI. Cognitâ primâ objecti defensionis parte, quæ est de  
defensione personarum: jam altera pars, de defensione rerum,  
est enodanda.

XCII. De

XCII. De hac autem diverſi diverſa ſtatuunt. In eo quidem omnes conveniunt, res noſtras à nobis defendi poſſe.

XCIII. Nam ſiſſe, cum domi eſſemus, adverſarios irruptionem in ædes noſtras feciſſe, aut ſcalis admotis murum pervadere conatos eſſe: certè omnes hic admittunt, ad deturbandos & propellendos adverſarios, omnibus nos armis uti poſſe, quibus deturbari cominus & propelli poſſunt.

XCIV. At in eo non idem omnes ſentiunt, an pro rebus tuendis, æquè ut pro tuendo corpore, in vaſores non tantùm repellere, ſed etiam occidere liceat.

XCV. Licere autem primus affirmaviſſe videtur Accuſius in l. 3. in verb. nam jure D. de juſ. & ju. quem poſtea alii magno conſenſu & numero ſecuti ſunt: non ſecus ac aves regales: quarum unam prævolantem, omnes reliquæ ſequuntur.

XCVI. Huic receptæ opinioni multi ex Interpp. ſe opoſuerunt, ut reſert Volſius in commentar. ad L. Cornel. de Sicar c. 7. n.º 92.

XCVII. Et rectè. Inter hominum enim & rerum deſenſionem aperta eſt differentia: ut meritò utrobique non idem juſ ſit ſtatuendum: quia vita hominis niſi in continenti defendatur, ſemel amiſſa recuperari nequit: at res ablata actionibus & interdictis repeti poſſunt: & quia homines ſunt creaturæ nobiliſſimæ, ad imaginem Dei creatæ, & præcioſiſſimo Chriſti ſanguine redemptæ: at res ſunt bona caduca, & reſpectu hominum viſſima, nec per ſe, ſed hominum gratiâ comparata.

XCVIII. Et propterea ſola rerum corporalium jaçtura, æminem commovere debet, ut aliquem interficiat. Quomodo enim apud divinam providentiam à peccato liberi erunt, qui pro hiſ rebus, quas contemni oportet, humana cæde polluti ſunt? ait D. Auguſtin. lib. 1. de lib. arbitr. c. 5.

XCIX. Nec conſtituimus diſcrimen, inter res viles, quæ valent duos aureos, & res præcioſas, quæ pluris conſtant, ut quidam ex DD. ſenſerunt.

C. Non quoque inspiciendum arbitramur, an via juris res nostræ recuperari possint, vel non possint, ut multis ex interpretibus nostris placuit.

CI. Unde nec licere dicimus, ut quis raptorem, fugientem cum rebus, telo, aut bombardæ ictu prosterнат, cum *CONVARTUR*. in *Clem. si furiosus*, p. 3. §. *un. de homicid. n. 6. vers. non d. si recte*.

CII. Unde etiam Thomæ Aquinatis, Cajetani, Gregorii de Valentia, Petri de Arragon, & aliorum opinionem rejicimus, qui volunt, etiam in foro conscientiæ res, cum occisione alterius, defendi posse.

CIII. Unde quoq; S. Antonini, Sylvestri, Petri à Navarra & aliorum opinionem improbamus, qui etiam Clericis concessum dicunt, ut res suas, cum cæde alterius, defendere possint.

CIV. Unde denique nec Jasonis opinionem admittimus, qui vult non solum incontinenti, sed etiam ex intervallo ob rerum defensionem posse quem alterum occidere.

CV. Quod si verò alter tibi, dum restuas defendis, vi resistit, & te in vitæ discrimen adducit, tum jure contumeliam dicimus, ut vim facientem cum cæde repellere possis: quia jam non amplius de rebus, sed de proprii corporis salute agitur.

CVI. Et hoc est quod Fortun. Garzia in l. 3. n. 28. *D. de iust. & ju.* Periculum, ait, personæ, reddit justum furis vel raptoris occisionem: non autem periculum rerum.

CVII. Ad rerum autem defensionem etiam defensio famæ & exultimationis pertinet: quia hæc quoque est res aliqua, in principio & dominio nostro existens.

CVIII. Sunt quidem inter Scholasticos, qui famæ & exultimationis dominium non penes nos, sed penes Rempublicam, & nos ejus tantum custodes esse volunt.

CIX. At nobis verius videtur, honoris & famæ nostræ, non minus nos esse Dominos, ac pecuniæ & aliarum corporalium rerum: quia ut alias res, benedicente Domino, labore & industria nostrâ adipiscimur: ita bona fama & exultatio, non à Repub-

Republica, sed virtute nostra paratur.

CX. Unde communiter fama nostra, non Reipubl. esse dicitur: adeò ut Aristoteli *lib. 1. Ethic. c. 10.* non minima nostræ felicitatis pars fama esse videatur.

CXI. Unde etiam ob læsam famam nobis, non Reipublicæ actio datur.

CXII. Unde deniq; in nostro arbitrio est, famam & existimationem nostram negligere: cujus tamen Paterfamilias primam semper rationem habere debet *l. Quintus 48. in pr. D. mand.*

CXIII. Hanc autem famam & existimationem nostram, verbis injuriosis læsam, per vim defendi posse communis est DD. opinio: adeò ut conviciis laceffit, ob sui honoris defensionem alium occidere queat.

CXIII. Nobis hæc opinio juri & æquitati non videtur esse consentanea. Nam ubi in jure de defensione agitur, semper ei vis opponi solet *l. 3. D. de juf. & ju. l. 4. & l. 5. D. Ad L. Aquil.*

CXV. Et propterea quod in jure de propriæ vitæ defensione est constitutum: ad defensionem famæ non est referendum: quia in existimationis, & vitæ defensione, diversa apparet ratio.

CXVI. Nam injuria, nostræ existimationi illata, extrajudicium recriminando repelli, & in judicio actione injuriarum vindicari potest *l. quæ omnia 25. §. 1. D. de Procurat. & to. tit. D. & C. de injur.*

CXVII. Hoc autem ut melius intelligatur, aliquot casus sunt considerandi. Nam vel plebejus plebejum, vel plebejus virum nobilem, & in dignitate atq; auctoritate aliqua constitutum, vel deniq; nobilis, & qui in dignitate & auctoritate aliqua constitutus, plebejum, & humiliorem conviciis afficit.

CXVIII. Jam primo casu, non cogitur injuriatus injuriam, ab æquali sibi illatam, ferre: quia, ut nostri loquuntur, etiam asinus non immerito indignatur, si per parem apprehenditur.

CXIX. Et propterea hanc injuriam vel retorquere, vel actione injuriarum vindicare potest.

CXX. Ad

CXX. At secundo casu Salomonius injuriato licere putat, ut non iterum verbis, sed verberibus, & per vim existimationem suam tueatur.

CXXI. Nobis hæc opinio juri contraria videtur. Cum enim alii defendendæ famæ & existimationis modi super sint, non est ad violentam defensionem perveniendum *l. scientiam 45. §. qui cum aliter D. Ad L. Aquil.*

CXXII. Potest autem injuriatus vel more Sapientum, vel jure famam suam defendere.

CXXIII. More Sapientum defendit, Si cum Catone ad injuriantem dicir, *Impar mihi tecum certamen est: Tu suctus moribus digna tuis audire probra, eadem in alium gestis fundere: mihi verò malè audire quidem insolitum est: malè autem dicere ingratum.*

CXXIV. Vel cum Xenophonte respondere potest: *Tu maledicere didicisti: at ego, conscientia te ste, didici maledicta contemnere: vel cum Demosthene: Non descendo in certamen, in quo victus victore superior est: & οὐ γὰρ ἀβάνω ἐν ἀγῶνι, ἐν ᾧ ὁ νικῶμεν ὁ ἡττῶμεν ὁ ἐστὶν κρείττων.*

CXXV. Et propterea si hos sequitur, nè verbis quidē aperte & expressè injuriam retorquebit: multò minus injurianti vim faciet: sed ut Conviciator suæ linguæ, ita ipse suarum aurium erit Dominus: & cum Antirane ostendet, suam linguam auditis esse robustiorem: cum singulis hominibus, sint singulæ linguæ, sed aures binæ.

CXXVI. Quod si verò neglecto hoc medio, jure vult uti: rursus non poterit verbalem injuriam per vim repellere. Ubi enim alii defendendæ famæ modi super sunt, non est ad violentam defensionem perveniendum *d. l. scientiam. §. qui cum aliter:*



ter: præfertim cum ex hac facile homicidium oriri possit.

CXXXVII. At hic injuriato alii defendendæ famæ modi supersunt: quia injuriam retorquere: vel eam actione injuriarum civiliter, vel criminaliter vindicare potest. Et propterea merito his mediis contentus esse, nec ad violentam defensionem proflire debet.

CXXXVIII. Nihilominus si primo, & hoc secundo casu, injuriatus ad violentam defensionem progreditur, & fortè injuriantem interficit: non iccircò pœnâ homicidii ordinariâ, sed extrâ ordinem nob. puniendus videtur: quia injurians injuriato ad perpetrandam eadẽ causam dedit: ut cum Baldo non malè priiceps culpæ dici possit: quia ab eo malitia incepit.

CXXXIX. Tertio verò casu, si scilicet nobilis & in auctoritate aliqua constitutus, plebejum & humiliorem injuriâ afficit: plebejus pro defensione famæ & existimationis suæ, iterum illis modis uti potest, quib. in primo, & secundo casu injuriatum uti posse diximus: quia illis modis famam & existimationem suam satis tueri potest: ut merito ad violentam defensionem non debeat progredi.

*In quo ex Interpretum & Pragmaticorum judicio  
moderamen inculpatæ tutelæ consistat.*

CXXX. Post explicationem causæ efficientis, subjecti, & objecti, rectè jam de forma defensionis agitur: ut ita constet, quomodo defensio fieri possit.

CXXXI. Et quidem Interpp. juris & Pragmatici hanc, in moderamine inculpatæ tutelæ consistere volunt.

CXXXII. Rectè. Non enim quocunque modo quis vim atque injuriam repellit, jure fecisse existimatur: sed si cum moderamine inculpatæ tutelæ repellit *L. C. Unde vi.*

CXXXIII. Hoc autem moderamen in modo, in tempore & in causa defensionis Interpp. & Pragmatici dicunt consistere.

C

**CXXXIV. In modo:** ut inermis cum inermi, & armatus cum armato, non dispari, sed pari armorum genere congregiatur.

**CXXXV. In tempore:** ut propulsatio in continenti fiat, non ex intervallo: quod tamen ad eam vim restringunt, quæ personæ inferitur. Illam verò quæ inferitur rebus, etiam ex intervallo propulari posse dicunt.

**CXXXVI. In causa** denique, ut propulsatio ad defensionem, & non ad vindictam fiat.

**CXXXVII.** At minus rectè jam explicatâ ratione in modo tempore & causa moderamen inculpatæ tutelæ ab Interpretibus & Pragmaticis consistere dicitur: quia nusquam in jure legitur, quod æquo Marte & paribus armis vis propulari debeat: sed contrarium legibus & rationibus probari potest: & quia tempus non ad moderamen inculpatæ tutelæ: sed ad ipsam propulsationem & defensionem pertinet: nec inter defensionem personarum & rerum jure civili in tempore differentia constituta reperitur: quia denique in jure non tam animus, quàm actus propulsandi inspicimus, ut hæc alibi prolixius explicata sunt.

*In quo revera moderamen inculp. tutela  
jure consistat.*

**CXXXVIII.** Nos omisâ prioris opinionis cum Salomoni in *d.l.3. D. de juf. & ju.* dicimus, moderationem inculpatæ tutelæ verbo Propulsandi compendiosè describi: quia hæc moderatio simpliciter in propulsatione consistit teste Florentino in *d.l.3.* ubi simpliciter Cuiquè jure gentium licere, ait, ut vim atque injuriam propulset.

**CXXXIX.** Hoc autem Propulsandi verbum tria in-  
nuit, quæ singulariter notanda sunt: Primum est, **Quod**  
ne-

nemo vim atque injuriam ferre cogatur: sed eam jure propulsare queat. Offensus enim omni jure vim vi repellere, seque à vitæ periculo quocunque modo liberare potest *d.l.3.*

CXXXX. Hoc tum fieri videtur, si quis in vitæ periculo constitutus, usque ad mortem adversarii se defendit: at cessante vitæ periculo, si tantum se defendit, quantum necessitas, requirit.

CXLI. Nec facimus discrimen inter arma, quibus vis infertur: sed hoc tantum inspicimus, an quis armis alterius in discrimen vitæ adductus sit. Tum enim armis offensus, quocunque modo se, vitamque suam tueri potest.

CXLII. Et propterea si quis te ense, vel hasta, vel pugio-  
ne aggreditur, qui illi in metis videris, cum nulla apparentia arma, sed tantum bombardulam in caligis occultatam habes: si te in vitæ periculum conjectum animadvertis, non immerito bombardulam proferre & arripere, & aggressorem tuum globulo trajicere potes, ex Malfardi sententia.

CXLIII. Alterum quod Propulsandi verbum innuit, Quod semper vis vel injuria, hoc est, offensio aliqua violenta vel injuriosa adesse debeat: quia Propulsatio præsupponit offensionem. Per se enim propulsatio non subsistit: Sed ad violentam atque injuriosam offensionem respectum habet.

CXLIV. Hæc autem violenta & injuriosa offensio, vel imminet, vel jam est illata.

CXLV. Si imminet, rectè eam propulsare niteris: quia non expectanda est percussio: & ut in constit. Carol. artic. 140. dicitur, *Es ist niemand mit seiner gegenwehr/bis er geschlagen wird/zu warten schuldig*: Sed impetus offendentis & armorum terror sufficit. *Idem est 3. §. qui armati vers. sufficit D. de vi & vi arm.*

CXLVI. Unde Accursius, Cynus, & alii, solas minas

sufficere arbitrantur in eo, qui minas exequi consuevit.

CXLVII. Nos cum Bartholo hoc tum demum admittimus, si extant actus & argumenta, animi re ipsa nocere volentis.

CXLVIII. Nam si quis simpliciter tibi eadem minatur, non æquum est ut eum statim vi invadas: quia nulla adhuc vera adest offensio. Minæ enim nihil aliud sunt quàm verba: quæ meritò non verberibus, sed iterum verbis sunt repellenda.

CXLIX. At si post minas ferrum arripit, gladium stringit, & in te cum impetu fertur, rectè te opponis: quia jam quodammodo in vitæ periculo versaris.

CL. Ex quo inferimus, Si vides latronem, vel adversarium, minaci animo è pharetra sagittam depromere, vel è theca bombardam eximere, vel gladium in vagina arripere: posse te, antequam Latro sicam intentet, vel adversarius arcum incurvet, vel bombardam displodat, vel gladium educat prævenire, & vim imminensem propulsare.

CLI. Non autem imminens tantùm offensio, sed multò magis jam illata rectè propulsatur *l. i. §. vim vi D. de vi & vi arm.* Nam quam diu instat aggressor, tam diu rectè vim repellis: quia quam diu offenderis, tam diu quoque te rectè defendis.

CLII. Et tum durante offensione non potest Defensori præscribi, quò usq; se tueri debeat: quia ignorat quousq; offendens progredi velit *sec. Baldum in l. i. n.º 10. C. Unde vi.*

CLIII. Cum verò defensioni non sit locus, nisi ad sit offensio: inde quæri potest: An evocatio pro tali offensione haberi possit, ut contraria vi propulsari possit?

CLIV. Exempli causâ Titius te verbis minacibus evocat, & nisi compareas, te nebulonis loco te habiturum dicit: *Disstü cin redlicher gesell/ ait, vnd kein Schelm/ so künß vnd wehr dich mein:* Aut simpliciter dicit, *künß her/ oder herauf/ vnd wehr dich mein.*

CLV. Et sanè vulgò hæc evocatio pro tali offensione habetur, cui propulsatio jure opponi queat.

CLVI. Plerique enim putant, hac evocatione ita Evocati famam

famam & exstimationem lædi, ut ejus defendendæ causa rectè cum Evocante manus conserat: adeò ut nisi hoc faciat, pro homine timido & effœminato, & qui famam suam negligit, habendus sit.

CLVII. Verùm distinguenda nobis videtur offensio. Alia enim fit verbis & facto simul: alia verbis tantùm.

CLVIII. Priore casu si quis te verbis evocat, & simul in te cum armis irruit, rectè illi resistis: quia non tantùm verbis, sed etiam verberibus & plagis offenderis. Et propterea vim vi omni jure propulsare potes, suprà thesi 14. cum seqq.

CLIX. At secundo casu si quis te verbis offendit, & verbalijuriâ afficit, iterum te verbis defendere, non autè hanc verbalem offensionem, per vim vindicare debes d. sup. thesi 126. cum seq. At talis est offensio, si quis te verbis injuriolis, vel simpliciter verbis evocat d. Sup. thesi 154. quia utroque modo verbis tantùm offenderis.

CLX. Et propterea si Evocator verbalem evocationem non egreditur, nec te per vim invadit, iterùm verbis illi respondere, & ut te missum faciat, tecumque jure expenatur, petere debes.

CLXI. Quod si verò verbis injuriolis instat, teque verbali injuriâ afficit: tum vel in continenti injuriam retorquere, vel eam actione injuriarum persequi potes d. sup. thesi 116.

CLXII. Et huc pertinet hujus Reipubl. constitutio municipalis, Anno Christi 1583. mense Novembri edita: Cujus hæc sunt verba: Gebietten demnach vnseren Burgeren / Burgers Söhnen / Studiosen / Inwohnern / Angehörigen oder Schirms verwandten / ledigen handwercks gesellen / vnd in gemeine Allen vnd jeden / die sich wehr zugebrauchē / tauglich selbs dunckē / das sie in der Stat / od̄ auch auf dē Landt / in Flecken / oder auff dē feld / so weit vnser Obrigkeit vnd Gebiet sich erstreckt / solches außheischen / außforderns / vnd was der gleichen mehr zu beschädigung des andern erdacht werden mag / sich gänzlich enthalten / vnd ein Jeder vmb seiner zu dem anderen habenden Anspruchs willen / ordenlicher vnderlaubter mittel sich gebrauchē: mit dem Anhang / da dergleichen auffforderen wider diß vnser verbott sich ferner begeben / vnd einnige entladung dar-

Aber entstehen sollt / daß über den entleibten / da das Außheischen durch Ihne beschehen / kein Recht soll gegen dem Thäter gestattet / vnd nicht desto weniger derselb durch vnß von Obrigkeit wegen / nach besundenen sachen / an leib oder leben gestrafft / der Thäter aber / da er den entleibten außgefordert / als ein fürsehllicher Todtschläger / vermdg weiland Keyser Caroli des fünfften peinlicher Halsgerichts Ordnung / am leben gestrafft werden. Da aber gleich kein todtschlag / sonder andere leibs beschädigung entstände / beide theil vorgehörten vrsachen wegen / als verächter Gottes vnd der Obrigkeit / nach gelegenheit der sachen / am leib oder leben gezüchtigt werden. Es soll auch ein Jeder so ein anderen obgesetzter massen Auf zu fordern hinfürer sich vermessen würdt / der ander erscheine oder nit / als bald wir des kündig werden / in vnsers Raths schwere straff / nach befündung der sachen vnd desselben erkandnus gefallen / vnd daß Aufbleiben oder nicht erscheinen dem geforderten an seinen ehren vnshädlich vnd vnverleslich sein / etc.

CLXIII. Hac constitutione primò omnis evocatio, Alles außheischen / oder Außfordern / graviter prohibetur §. gebietten demnach: quia Evocator hoc ipso contrà DEUM, contrà Magistratum, contrà proximum, & contra se ipsum peccat.

CLXIV. Deinde in verbis, vnd ein jeder vmb seiner zu des anderen habenden anspruchs willen et. mandatur, ut, omnis à evocatione, quilibet contrà alterum jure experiatur: quia iccircò judiciorum vigor, jurisq; publici tutela in medio videtur constituta, nè quisquam sibi ipsi permittere valeat ultionem, *sic Imp. Justin. in l. nullus 14. C. de Judiciis & Cælis.*

CLXV. Tertio in verbis. Mit dem anhang / da dergleichen, tam contrà Evocatorem, quam Evocatum, alterius occisorem, pœna statuitur.

CLXVI. At refert, an Evocator ab Evocato, an verò Evocatus, ab Evocatore occisus sit.

CLXVII. Priore

CLXVII. Priore casu vel constat evocationem factam esse, vel non constat.

CLXVIII. Si constat, tum ex hac constitutione Evocatoris, & occisi heredes, contra Evocatum, & occisorem, accusationem instituere prohibentur: quia occisus contra hanc constitutionem alterum evocavit: & quia hoc ipso propriæ cædis causâ fuit.

CLXIX. At si de evocatione non constat, sed si hæc primum ab Evocato est docenda: ut plerumq; fieri solet: tum occisi heredes rectè contra occisorem accusationem instituunt: quia cum nondum liqueat an in hanc constitutionem peccatum sit, meritò accusatio permittitur, ut ex ea, & ex Rei defensionibus non tantum evocatio, sed etiam factæ cædis necessariæ circumstantiæ innotescant atq; probentur.

CLXX. Ubi verò ex actis apparet, illum qui occisus est fuisse Evocatorem: tum arbitramur, Evocatum, juxtâ institutam accusationem, non posse condemnari: quia in hoc municipali statuto Evocantis heredibus contra Evocatum accusatio denegatur, juxtâ illa verba, *Daß aber dementsleibten/da das außs heischen durch ihnen beschehen/kein recht sol gegen dem thäter gestat et werden.*

CLXXI. Non tamen iccirco statuimus Evocatum ab omni pœna liberum esse: quia utiq; contra jus municipale cum Evocatore est congressus, cumq; interfecit.

CLXXII. Ut autem sciri possit, qua pœnâ Evocatus ob interfectum Evocatorem sit puniendus, referre dicimus, an Evocator ad vim faciendam fuerit paratus, an non fuerit paratus.

CLXXIII. Si fuit paratus, ut qui gladium evaginatam in manu habuit, tum iterum refert, an prior Evocatum per vim invaserit, an non invaserit.

CLXIV. Si prior invaserit, rectè Evocatus se defendere potuit: quia jure, vim vi, etiam cum cæde alterius, ei repellere licuit.

CLXV. Ex quo non quidè ab instituta accusatione absolvetur:

vetur: quia, ut ante dictum, hæc ab occisi & Evocatoris hereditibus institui non potuit: à pœna tamen homicidii à iudice liberabitur, forrè his verbis, In sachen Petri Clägers wider Theobaldum beclagten/ ist nach allem fürbringen von ampts wegen zu recht erkant/ das Cläger seine fürbrachte peinliche anlag nicht erwissen/ beclagter aber die eingewante nothwehr zu rechtlichem genügen auffständig gemacht habe: vnd das deshalb beclagter von der straff begangen todtschlags ledig zu zelen seye: wie wir hiemit beclagten von bevirrter straff ledig erkennen/ den Clägern aber in alle auffgeloffene vnkosten fellig ertheilen.

CLXXVI. Necesse tamen est, nè Evocatus moderationem inculpatæ tutelæ excesserit: alioqui arbitrio iudicis esset puniendus, de quo infra pluribus.

CLXXVII. At si Evocator non prior Evocatum invasit, sed ab Evocato, sine necessaria causa, in vasus & interfectus sit, ut dicemus infra, tum à Magistratu omninò est puniendus: quia nullam vim passus, alteri vim intulit.

CLXXVIII. Quod si Evocator ad vim faciendam non fuit paratus, ut qui nec gladium evaginavit, nec in Evocatum impetum fecit, si Evocatus eum prior invadat & interficiat, gravi pœnà est plectendus: quia cessante vi, alteri vim fecit: quia, inquam, eum interfecit, qui ei nullam revera vim intulit.

CLXIX. Et in hoc, ac casu præcedente, loqui videtur constitutio municipalis, Das nemlich ein solcher thäter von Obrikeit wegen/ nach befundenen sachen/ an leib oder leben soll gestrafft werden: Et hæc locum habent si Evocator ab Evocato est occisus.

CLXXX. Quod si verò Evocatus ab Evocatore fuit interfectus, is ut homicida est puniendus, *vers. der tñster aber*: quia fuit provocator & aggressor: & quia ex qualitate lethaliū armorum, & ex subsecuto homicidio apparet, eum occidendi animū habuisse l. i. §. i. D. Ad L. Corn. de sicar. c. significasti, E. de homicid. & no. Menoch. de arbit. jud. quasi. casu 295.

CLXXXI. Qua de causa in Constit. Carolin. 137. in pr. dicitur, Ein jeder Mörder oder Todtschleger/ wo er deshalb nicht  
rechts



rechtmäßig entschuldigung aufstehen kan/hat das leben verwirkt.

CLXXXII. Quarto in verl. da aber gleich kein todtschlage te. constituitur: Et si nec Evocator Evocatum, nec Evocatus Evocatorem interficiat: Sed alter alterum tantum vulneret, vel mutilet, nihilominus utrunque, ratione circumstantiarum, vel poenâ corporis, vel ultimo supplicio afficiendum esse: quia Evocator, D 11, Magistratus, & proximi violator est atque contemp-  
tor: & quia Evocatus contra juris municipalis prohibitionem comparuit, & adversarium suum vel vulneravit, vel mutilavit.

CLXXXIII. Hæc autem ita generaliter constituta, in specie magis explicanda sunt. Et quidem aut Evocator est armatus, aut non est armatus.

CLXXXIV. Si ense, gladio, vel hastâ acutâ armatus, statim cum impetu in Evocatum inermem irruit, eumque vulnerat, vel mutilat, gravi non immeritò poenâ plectitur: quia ex genere & qualitate armorum apparet, eum occidendi animum habuisse: adeò ut nisi alii se interposuissent, sine dubio Evocatum interfecisset *no. Mascard. de probat. vol. 2. Concl. 864. n. 3.*

CLXXXV. Non idem est si cum baculo, vel cum hasta exarmata, vel cum ensis capulo in evocantem irruit, eumque vulnerat, vel mutilat: quia ex his armis, & percutiendi modis, non præsumitur occidendi animus *Mascard. d. concl. 864. n. 4. & s.*

CLXXXVI. Et propterea tùm Evocator est quidem puniendus, quia contra jus municipale alterum evocavit, & læsit: at puniendus est lenius: quia non videtur animus occidendi habuisse.

CLXXXVII. At si Evocator gladio quidem, ense, vel hastâ acutâ est armatus: non autem prior Evocatum invadit, sed ab hoc cum gladio invaditur: certè si Evocatum vulnerat, vel mutilat, iterum quidem est puniendus: quia contrâ municipalem constitutionem alterum evocavit.

CLXXXVIII. At puniendus est mitius quia Evocatus illum ad vim faciendam incitavit: quia, inquam, Evocatus suz

& effœminatum esse, si non sequitur.

CCVI.\* Nam primò fortis is dicitur, qui circà maxima pericula intrepidus manet, *Aristot. lib. 3. Ethic. c. 9.* At verbis Evocatus circà pericula non manet intrepidus: quia revera nulla pericula sentit. Nec enim verbalis evocatio in ulla eum periculà conjecit: Ergò fortis appellari nequit.

CCVII. Deinde fortis non temerè quævis adit pericula: sed tantùm ea, quæ sunt honesta, & in quibus aliquid laudis dignum, quodq; aliis utile sit, præstare potest *Aristot. d. lib. 3. c. 10.* At Evocatus, si Evocatorem sequitur, hoc non facit: quia non honestatis causâ pericula adit, sed vindictæ studio: & quia non propriam laudem, vel alterius utilitatem, sed hoc tantùm quærit, quomodò se erga alterum vindicare possit. Non ergò fortis, sed audax potius, & temerarius appellari potest.

CCVIII. Tertiò fortis adit pericula cum consilio & ratione *Aristot. d. lib. 3. c. 10. & 11.* At Evocatus rapitur ab affectu, nec audit rationem: sed vindictæ studio se alteri opponit, & quasi vitam suam prostituit. Dum enim extra periculum est, irâ & dolore impulsus, se in periculum conjicit. Et propterea non pro forte, sed pro audace potius est habendus: quia fortis non est, qui ex ira vel dolore in periculum impellitur, *Aristot. d. lib. 3. c. 11.* quod etiam beluas & bruta animantia facere videmus.

CCIX. Unde Lactantius lib. 6. Fortitudo, ait, si nullo necessitate cogente, aut non pro causâ honesta periculum subit, in temeritatem convertitur.

CCX. Unde quoq; Aristoteles οὐκ ἐμὲν θρασὺς ait, προπηλὺς, καὶ βυλόμηνι πρὸ τῶν κινδύνων h. e. Audaces, præproperi sunt & precipites, periculumq; antequam in periculo versentur, adire volunt.

CCXI. Ex his autem econtrario apparet, Evocatum, si Evocatorem non sequitur, nec quoque pro timido & effœminato haberi posse.

CCXII. Timi-

CCXI. Timidus enim non est, qui DEI & Magistratus iram & offensionem timet: quia hic timor laudabiliter etiam in virum fortem cadit *Arist. d. lib. 3. c. 9. & 10.* At Evocatus iccirco non comparet: quod DEI & Magistratus offensionem timet: Ergo non est timidus.

CCXIII. Sic etiam timidus non est, qui ea pericula adire timet, quæ magis reprehensionem, quam laudem merentur *Arist. d. c. 9. & 10.* At Evocatus si non comparet, talia pericula adire timet: quia, ut ante ostensum, si talia pericula adit, non fortis, sed potius audax & temerarius esse dicitur: Ergo non est timidus.

CCXIV. Et propterea his omnibus ira se habentibus, optimè statuto hujus civitatis superiori consuetudini (quæ tamen nomen consuetudinis revera non meretur) derogatum, & omnis evocatio severè provibita, & Evocati non comparentis honoris satisfactum est: nisi hic, à temeritate victus, sibi ipsi consulere nolit: Et hæc de secundo, quod circa propulsandi verbum est notandum.

CCXV. Tertium quod Propulsandi verbum innuit est, quod propulsatio cum offensione commensuranda sit: quia propulsatio fit respectu offensionis: ut merito propulsatio intra offensionis limites manere debeat, nè in vindictam degeneret.

CCXVI. Propulsatio enim propter offensionem suscipitur: propulsatio, inquam, iccirco suscipitur, ut quis se, vitam, corpusque suum ab alterius offensione defendat.

CCXVII. At qui ultrà offensionem adhuc propulsando insistit, is non amplius defensionem, sed magis vindictam sibi propositam habet: quia jam propulsator magis invadentem & invalorem ulcisci, quam se defendere, magisque alterum in vitæ discrimen conjicere, quam se à vitæ periculo liberare cupit. Quatuor autem modis propulsatio cum offensione non commensuratur, ut dicitur infra thesi 236. cum seqq.

CCXVIII. Verum enim vero quia propulsatio arquetur

defensio in facto consistit: & quia vulnera ad mensuram non dantur: quia, inquam, Defensor atque propulsator non habet stateram in manu, ut possit reverberare ad certam mensuram, vel se ad æquilibrium tueri.

CCXIX. Iccircò moderatio inculpatæ tutelæ certâ regulâ comprehendinequit: sed iudicis arbitrio est committenda: qui arbitrabitur, an quis in meris defensionis finibus steterit, nec ne.

CCXX. Qua de causa Menochius, moderationem inculpatæ tutelæ, inter illos casus retulit, quæ arbitrio iudicis committuntur *lib. 2. de arbitrar. jud. questio. casu 277.*

### *De fine & effectibus defensionis.*

CCXXI. Explicatis prioribus defensionis causis, restat ut de fine & effectibus agamus.

CCXXII. Sicut autem unius actus, juxta Thom. Aquinat. duo possunt esse fines, unus ex intentione agentis, alter præter ejus intentionem: ita etiam defensionis nobis duo videntur esse fines.

CCXXIII. Primus & principalis est tutela: quia iccirco vim & injuriam Defensor propulsat, ut se, suos, & sua tueatur.

CCXXIV. At alter est occisio aggressoris. Dum enim Defensor animadvertit, se non aliter vitam suam tueri posse, quàm ut aggressorem interficiat, jam præter intentionem primam, eò defensionem dirigit, ut invadentem occidat.

CCXXV. Ex quo à Scholasticis movetur questio, Si quis te armatâ manu, & tantâ vi invadit, ut metuas, nisi alterum interficias, nè mortem evadere possis, an nè tum eo animo, eaque intentione te defendere possis, ut aggressorem interimas?

CCXXVI. Et quidem Thomas Aquin. Cajetanus, Tur-  
recre-

recremata, Fr. Victoria & Abulensis opinantur, non licere Defensori ita se tueri, ut occisionem, tanquā necessarium defensionis medium, sibi proponat.

CCXXVII. At contrarium statuunt Dominicus à Soto, Sylvester & alii, *refte Rinsfeldio in tract. de injur. & damn. dat. q. 3. concl. 3. vers. partem affirmantem*: quibus & nos subscribimus.

CCXXVIII. Effectus quoque defensionis alius est principalis, alius accidentarius.

CCIX. Principalis est, qui ex intentione Defensoris per se oritur: ut est Salus proprii corporis: item Salus aliorum, & rerum nostrarum.

CCXXX. At accidentarius effectus est, occisio alterius. Defensor enim per se corpus vitamque suam tueri cupit: at dum in hoc occupatur, interdum accidit, ut aggressorem suum interficiat.

CCXXXI. Ex hoc autem secundo effectu oritur tertius. Qui enim in defensione adversantum mutilat, vel interficit, nec de expensis, nec de ullo damno occisi heredibus tenetur: quia quod fecit, jure fecit.

CCXXXII. Ex quo occiso potius, quàm Defensori, damnum datum est imputandum.

CCXXXIII. Quartus defensionis effectus est, quod defensor non incurrat pœnam fractæ pacis, siue hæc pœna legalis sit, siue conventionalis: item quod donatarius, donatorem in sui defensione interficiens, re donatâ privari nequeat: quia cum defensio omni jure permissa sit: meritò nullam pœnam meretur, qui hoc jure utitur.

### *De iis qua defensioni repugnant.*

CCXXXIV. Restat ut de iis quæ defensioni repugnant agamus: quia contraria juxtà se posita magis elucescere solent.

CCXXXV. Repugnat autem defension i, si quis moderationem inculpatæ tutelæ egreditur: hoc est, si non inculpatè  
viti

vim atque injuriam propulſat: quia tum id agit, quod deſenſio-  
ni adverſatur.

**CCXXXVI.** Et hoc quatuor fit modis: Primus eſt,  
Si quis alteri minanti, & ad ſe cum gladio veni-  
enti, ſine neceſſaria cauſa ſe opponit.

**CCXXXVII.** Si quis enim ſtat pro foribus ſuis, & mi-  
nantem, ac ad ſe venientem adverſarium, occluſâ januâ arcere  
potest: at mavult adverſarium opperiri, & illi coram reſiſtere: is  
ſanè modum deſenſionis excedit: quia illi ſe opponit, cui ſe op-  
ponere non fuit opus: & quia illius vim propulſat, quam occlu-  
ſo oſtio vitare potuit.

**CCXXXVIII.** Eodem modo ſi quis ex ædibus ſuis videt  
adverſarium ſibi minantem, aut ſe ad certamen provocantem:  
ſi ex ædibus in illum lapides jacit, vel ſi cum illo digladiatur, cer-  
tè iterum ſe ultrâ modum deſendit: quia cum verbis tantùm  
fuerit læſus, factò ſe illi opponit: & quia ſeptis ædium ſuarum  
deſenderetur, hæc ſine neceſſaria cauſa egreſſus, vim alterius  
propulſat.

**CCXXXIX.** Et propterea qui hoc caſu Evocatorem in-  
terfecit, arbitrio judicis puniri debet: quia revera nullam vim  
ſenſit: Sed quam paſſus eſt, ſibi ipſi accerſivit: & quia ſine juſta  
cauſa alterum occidit

**CCXL.** Alter modus, quo non ſervatur inculpata tutela,  
eſt, Si vis & injuria ſine armis infertur, at armis re-  
pellitur.

**CCXLI.** Si quis enim te pugnis invadit: non debes illi  
gladio, vel alio teli genere, reſiſtere: quia regulariter per pu-  
gnos vita hominis non periclitari ſolet.

**CCXLII.** Qua de cauſa conſtit. Carolin. art. 140. requi-  
runt *Tödliche Waffen oder Wehr.*

**CCXLIII.** Excipimus duos caſus: Primus eſt, ſi alter,  
qui pugnis percutitur, gladium, vel haſtam, vel aliud telum in  
eum ſinem opponit, ut tantùm caveat, nè verberetur: alter verò  
nihilominus

nihilominus pugnis insistit, & cedit.

CCXLIV. Sanè si tum pugnis cæsus, gladio, vel hastâ audacem & temerarium aggressorem ferit, jure fecisse videtur: quia illum ferit, qui, cuspide gladii vel hastæ monitus, recedere noluit: & quia illum ferit, qui vim fecit: quia deniq; jam vi alterius impulsus, non immeritò se ipsum quocunque modo tue-  
tur.

CCXLV. Nec ad rem facit, quod alter sit inermis, alter verò armatus: quia nemo inermem coëgit, ut armatum aggred-  
deretur, & pugnis percuteret, inque illius tela cæco furore ir-  
rueret: & quia aggressor temerario magis corporis objectu,  
quàm alterius defensoris telis læsus atq; offensus intelligitur, *ex  
sententia Salomon. d. l. 3. n. 9. D. de just. & jur.*

CCXLVI. Alter casus est, si homo senex, vel valetudina-  
rius, vel qui imbecillo corpore est præditus, à juvene vel viro ro-  
busto, pugnis ceditur: vel si quis manu tam robustus est, ut pu-  
gno quemcunq; interficere possit, ut fuit quidam Perusinus, qui  
unico pugno in capite, & homines, & boves interimere potuit:  
*Vesemb. Conf. 19. n. 57. vers. sed si adversarius vol. 1.*

CCXLVII. Tum enim cedentem pugnis, rectè quis ar-  
mis repellit: quia eò res devenit, ut pugnis cæsus aliter se defen-  
dere non possit.

CCXLVIII. Ideoq; tum armata defensio, non immeritò  
pro justa habetur: & consequenter talis armatus Defensor pœ-  
nâ homicidii non tenetur: quia vim illatam eo modo repulit,  
quo potuit.

CCXLIX. Tertius modus quo moderatio inculpatæ tu-  
telæ exceditur, est, Si quis graviore vulnere, vel etiam  
cum cæde alterius vim propulsat: qui leviori pla-  
gâ, vel sine cæde eam repellere potuit: quia tum  
vim propulsando, & se defendendo plus facit, quàm oportet.

CCL. Nam si quis te levi baculo percutit, tu verò hastâ,  
vel gladio ictus non avertis, sed percutientem in capite graviter

vulneras, vel omninò interficis: sanè vim passam longè excedis: quia ultrà offensionem, propulsationem intendis.

CCLI. Sic etiam si puer aliquis, vel mulier te fuste percussit: tu irâ incensus gladium arripis, & eo vim illatam propullas: puerumque, vel mulierem occidis: iterum vim passam longè egredieris: quia pueri, vel mulieris offensionem negligere, vel eam sine gladio atque cæde propulsare potuisti.

CCLII. Secundo autem, & hoc tertio modo, is qui moderationem inculpatæ tutelæ non servavit, non pœnâ homicidii, sed citra mortem arbitrio judicis puniri debet: quia ab initio justè egit: & quia vis alterius, subsequenti injustæ actioni causam dedit.

CCLIII. Non enim incipit qui per iram resistit, sed qui provocavit: quia ille est princeps culpæ, à quo incipit malitia te iste Baldo: & quia provocato difficile fuit iracundiæ calorem comprimere *l. si adulterium 38. §. Imperator D. Ad L. Jul. de adul.*

CCLIV. Quid ita? Quia ira vix consilium admittit: ut quæ secundum Ciceronē & Ennium consilio & rationi contraria, & initium insanix est: & quia primos animi motus vix aliquis in sua potestate habet: quia denique secundum Senecam, difficile est, ut injuria cum patientia conveniat.

CCLV. Et propterea irritati animi meritò habetur ratio *l. qui cum major 14. §. si libertus D. de bon. libert.* quia inconsultus calor dolo caret *l. 1. §. quasi D. Ad SC. Turpil.* & consequenter propriâ caret criminis notâ. Nullum enim crimen sine dolo est, *l. 1. §. 1. D. Ad L. Corn. de Sicar.*

CCLVI. Quartus modus, quo quis moderationem inculpatæ tutelæ excedit, est, Si quis cessante offensione, adhuc alteri per vim insistit.

CCLVII. Offensione enim cessante, etiam offensus propulsationem sistere debet: quia inter offensionem & propulsationem est mutuus respectus & relatio: ut uno sublato, etiam alterum tolli debeat.

CCLVIII. Et propterea si aggressor post vim illatam au-  
fugit,



fugit, & alter eum fugientem sine causa insequitur, & occidit: certè is moderationem inculpatæ tutelæ excedit: quia cessante vi, se non amplius defendit, sed vindicat atque ulciscitur.

CCLIX. Et propterea quoque si quis contra te manum gladio armatam levavit: tu verò ei manum, in altum sublatam, gladio amputasti: tum ejus vim atque ferociam satis avertisti atque fregisti.

CCLX. Quod si post manus amputationem, eundem lamentantem, & Dei hominumque opem implorantem, amplius insequeris: & non solum vulneras, sed etiam planè interficis: omninò moderationem inculpatæ tutelæ egredieris: quia offensione cessante per vim insistas: quia, inquam, cum adhuc amplius vulneras, vel planè interimis, qui te offendere magis nec voluit, nec potuit.

CCLXI. Et in hoc casu Decius & alii contendunt, Defensorem pœnâ homicidii teneri, arg. Dominorum & præceptorum, qui si modum emendationis excedunt, ut homicidæ puniuntur *l. i. C. de emend. serv. D. l. sed et si s. §. ul. D. Ad L. Aquil.*

CCLXII. At nos in hoc quarto modo, idem quod in secundo, & tertio modo, statuendum dicimus. Semper enim irritati animi habenda est ratio: & inconsultus calor dolo caret.

CCLXIII. Nec eadem inter Dominos, & Præceptores corrigentes, & inter eos qui contra vim & injuriam alterius se defendunt, est ratio: quia correctio, vel emendatio, tranquillo & benevolo animo fieri debet: at defensio sine animi perturbatione fieri nequit: & quæ corrigentibus lora tantùm & flagella concessa sunt: at Defensores quibuscunque armis contra aggressores uti possunt, diximus suprâ thesi 30.

CCLXIV. Itaque non immeritò diversum jus inter eos statuitur, quò injuriâ laceßiti, iracundiæ fervore & justo dolore perturbati cædunt, & inter eos qui nullâ injuriâ provocati sæviunt, ait Salomon in l. 3. 17. 12. in *fi. D. de jus. & ju.*

E N I S.







